



● EDITORIAL ● RÂL VÊNGTU ● CHHÛNGKAW CHANCHIN

✚ Synod 2014 General Agenda rê thlûk langsâr deuhte
✚ Missionary thar 141 an chhuak leh ta
✚ Counselling Centre pahnih hawn thar a ni
✚ Pastor Bial thar hawn turte

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD Newsletter

Volume XXIX

No. 376

E-mail : synodnews@gmail.com

JANUARY, 2015

Synod Moderator Kumthar Thuchah



Rev. Lalrinmawia

FAK TLÂK KOHHRAN

1 Thessalonika 1:2,3

‘Fak tlâk kohhran’ tih thupui kan sawi hian zawhna lo awm chu fak tlâk loh kohhran a awm thei dân em ni, tih hi a ni âwm e. Asia ram Kohhran pasarihte kha Pathianin a fak vek lo tlat mai. Pathianin a dân chhan leh a koh chhan tihlawhtling zo lo an awm. A neitu, a dintu, a leitu Pathian duh zâwnga awm chu a tih tûr hmasa ber chu a ni. A chhan nia lang chu Paulan kohhrana awm reng tûr a sawi pathum hi an kohhranah hian a awm famkim tlat a ni. Kohhrana awm ngei tûr pathum hi zir ila, Kohhran hi inen Chiang teh ang.

1. Rin vâng a thil tih: Pathianin kohhrana hmuh a duh tlat chu amah rinna avâng a thil tih a ni. Rin vâng a thil tih chu thil tih ngei tûr ni si, thil tih tûl ngei ni si kan tih theih si loh tih hi a ni. Pathianin kohhran a dân chhan chu lungngaite thlamuan te, tihduhdah tuarte chhuahtîr te, hliam tuar tuam dam te a ni a. Hêng bâkah pawh hian kohhran chu phurrit phurte tân chawlhna, lungngaiten thlamuanna an hmuhna, natna veiten damna an channa hmun atâna buatsaih a ni. Hêngte hi mihring tân tih rual loh vek a ni si.

Marthi chuan, “Ring e,” ti chung siin, “A uih tawh ang,” a ti a! Pathian ring ni ve tho si thil ti theia ngai lo anga nung tlat a awm theih. Chuvângin Kohhran hi kan inngaihtuah a tûl hle a ni. Hêng hna thawk tûr hian Pathian rinna aţang lo chuan a theih loh. Pathian rinna avâng a hêng hna hlen chhuak kohhran hi fak tlâk a ni. Hêng bâkah pawh hian tuarnate pawh hneh thei tûra thlan kan ni. Tuarnate hi Kristiante tân thil awm palh a ni lo va; Kristian nuna bet tlat a ni zâwk. Kristian thuhrlil zikluak chuan a nuam lam chauh ni lovin hrehawmna leh tuarna a ken tel tlat avângin Pathian rin avâng a hnehtute chu fakin an awm thîn. Ringtu, Krista avâng a mualpho ngamte fak tlâk an ni a, Amah a lan hun apiangah ropuiin an lang ve thîn.

2. Hmangaihna avâng a thawh rim: Tûnlai Kohhranah hian thawk rim êm êm tam tak an awm. Mahse thawk rim ngawr ngawr hi fak tlâk an ni lo thei. Mi sawisêl hlahv vâng te, dem hlahv vâng te, mualpho hlahv vâng te, hming that leh hlâwkna duh avâng a rim taka thawh theih a ni. Hêngte hi tha hle mah se a tâwk lo. Lal Isuan vân ropui a kalsan chhan chu hmangaihna vâng a ni. Kraws a put chhan pawh hmangaihna vâng a ni. Chuvâng chuan Pa Pathian chuan nasa takin a chawimawi a nih kha. Hmangaihna chuan thawk rim lo thei

lovin a siam a ni zâwk.

Kohhran mipuite hian kan hnathawh leh kan thiltih zawng zawng hi Isua kan hmangaih avâng a kan tih ni sela. Lal Isua ropui nân leh Isua chawimawia a awm duh vâng a kan thawh ni rawh se. Pathianin a hmangaihten malsâwmna an chan ve theih nâna rawngbâwl hi a tûl tak zet a ni. Kohhran ho kan ngui leh chauh avângte hian tawngtai tam sawt ila, kan ram sualna a sosân zêl avâng hian peih loh châng leh chak lo chung pawhin thahnem ngaih chhuah ila, chûngte chu hmangaih vâng a thawk rim fak tlâk an ni ngei ang.

3. Beisei vâng a chhel: Thessalonika Kohhran ho hian fak an hlawhna chu Lal Isua lo kal leh tûr leh a lăwmman rawn ken tûr beiseia chhel taka an awm hi a ni. Lal Isua lo kal leh beiseia hian ringtu nun a tithianghlim a, sual lakah a tizalên a, insûm theihna a siamsak thîn. Ringtute hian thil an ít ve ngai lo rêng rêng a ni lo, khawvêl thil sâng leh ropui an duh lo a ni bik hek lo. Amaherawhchu, khawvêl thil aia ngaih hlut an nei a, chu chu Lal Isua nun pêk chu a ni. Chu nun thlengna tlâk chu khawvêl thilah hian an hmu lo a ni zâwk. Lal Isua lo kal leh an beisei a, lăwmman a rawn ken tûr thlir chungin an lăwm a, tuar chungin an hlîm thîn.

Thessalonika Kohhran ho pawh hian Jentail ring lo lakah an tuar a, Judate lak aţangin an rinna bânzan tûra thlêmna nasa tak an tâwk a ni. Chûng chu Lal Isua avângin a tuar chhuak a. Chûng beiseia avâng a chhel taka tuartute chu Pathianin a fak a ni.

Hêng aţang hian kohhran dinhmun thlir ila, Pathian kan rinna avâng a thil ti kan nih lohva, hmangaih avâng a thawk rim kan nih lohva, beisei avâng a chhel kan nih loh chuan simin Pathian fak tlâk kohhran ni tûrin i inbuatsaih theuh ang u. Lalpan a thu malsâwm rawh se. Amen.

NGENNA

* Presbytery, Bial, Kohhran etc. leh Synod Office indâwr tawannaah Letter Head-a Telephone number la dah lo eng emaw zât kan la awm a. Kum 2015 aţang hi chuan dah vek tûrin kan inngên a ni e.

* Presbyterian Handbook (Revised & Enlarged) 2014 tihchhuah a ni a. Office hun chhûngin Synod Office ‘Mamawh Lamna’ aţangin Pastor, Pro. Pastor leh Kohhran Upa (Ordained) te copy tûr mahni remchân dân anga lăk chhuah theih a ni ta e.

MIZORAM PRESBYTERIAN KOHHRAN SYNOD PUIPA THARTE

Moderator	:	Rev. Lalrinmawia
Secretaries	:	Rev. B. Sângthanga (Sr.) Upa H. Ronghâka (Jr.)
Finance Officers	:	Rev. Lalramliana Pachuau Rev. Dr. R. Lalbiakmawia
Statistician	:	Upa Vanêngmawia
Sr. Executive Secretary	:	Rev. Lalzuithanga
Executive Secretary	:	Rev. P.C. Pachhûnga

SYNOD Newsletter

EDITORIAL STAFF

Rev. K. Lalpiangthara (LPT)
Rev. Thangzauva (TZ)
Upa H. Ronghaka (HR)
Upa Khawlungnunga (KCN)

Editorial

NGAIHHRUINA (Memento)

Ram a changkang tawh tawh a, sawrkâr leh kohhran pawhin a mi rawihthe ngaihhraina thilpêk a uar tawh tawh emaw tih tûr a ni a, a lâwmawm lamah pawh ngai ila a tha âwm e. Ngaihhraina thilpêk atân hian thenkhat chuan bungbêl lam emaw thil dang tangkai taka hman ngâh mai theih chi kan inpe thîn a; thenkhat chuan thuziak târ tûr lam chi emaw, a sum lamin emaw kan inpe bawh thîn a.

A dawngtu tûr lam tân chuan a enga pawh a hlu tih mai theih a nih rualin hun a liam hret a, thilpêk dawn thenkhat chu hnawksak a nih theih lek lekna lai a awm thîn. Chuvângin, a thlahtu lam hian thil thui deuh ngaihtuah thîn ni se. Sawrkâr hna thawk insawn fo thîn leh Pastor insawn thînhote hian a ziaak lam târ sên loh an kawh ruih duh khawp mai a. A hlut tho rualin a dawngtuten an tangkaipui zâwk tûr lam inpêk tûr thlan thiam a finthlâk hle âwmin a lang. Mamawh tûr inzawh mai te leh mamawh tûr sawi maite pawh hi hreh lo ila, inngaihhraina hlu tak leh hriat reng tlâk a ni mai dawn a ni.

UID BOOKLET A AWM LEH TAWH

India khua leh tuite chhinchhiahna thar, Unique Identification (UID) chungchânga mipui tihbengvârna tûra Synod Revival Committee-in Booklet a tihchhuah chu chhut belh leh a ni a; a mamawhte tân Synod Revival Office, Synod Office, Mission Vêngah Office hun chhûngin lam theihin a awm leh ta e.

JUBILEE HMAN TURA SAWMNA

Kawrthah North Kohhran chuan January 31 & February 1, 2015 khian Silver Jubilee lawm pahin Biak In thar a hawng ngâh dawn a. He Kohhrana rawngbâwla lo awm tawh zawng zawng leh lo lawi tawh zawng zawngte he hun pawimawh tak hmanpui tûr hian an sawm a ni.

SYNOD 2014 GENERAL AGENDA RÊL THLÛK LANGSÂR DEUHTE

1. Rêl thlûk ngâhthe:

- (1) Mizoram Presbyterian Kohhran din kum tihchian a ni a, January 11, 1894 chu kohhran din kuma pawm a ni.
- (2) Kristian Thalai Pawl din kum pawh 1954 February ni 16 a ni e, tia pawm a ni.
- (3) Synod hmun pawimawhte chu tûl tak a nih loh chuan an hming thlâk tawh loh tûra tih a ni.
- (4) Nupa Chungchâng Dân Bu chu Kohhran Committee member-te hnêna sem tûra tih a ni.
- (5) Synod Hospital-a hman tûr kala lungte awm chhut kehna khâwl (Extra-Corporeal Shock-Wave Lithotripsy, ESWL) lei remtih a ni a, budget-ah khâwl leina tûr chêng nuai 70 dah remtih a ni.
- (6) Synod Hospital ram hung hna chak zâwka kalpui tûra tih a ni.
- (7) Synod Inkhâwmpui thlengtu puihna chu nakkum 2015 aţangin chêng nuai 10 pêk tûra tih a ni
- (8) Pension hnaiten Synod sum an pûk dân tûr ruahmanna chu January 2015 aţanga hman ţan tûra pawm a ni.
- (9) Synod Endowment Fund Dan ennawna chu hman ngâh tûra pawm a ni.
- (10) Synod hnuaia driver hna, kum 20 lo thawk tawh emaw, kum 55 tling tawh chin emawten an duh chuan kum upat vânga pension dân pangngai (super-annuation)-a an kal phalsak a ni.
- (11) Z o k h a w t h a r a h c h a w l h l a i l â w k n a / t h l e n n a (transit accomodation) siam remtih a ni.
- (12) Hmeichhe Pastor-ten kan Biak Ina Lalpa Zanriah Sakramen an theh chu rem lova ngai a ni.
- (13) Synod-in S. Hlimen rama ram a neih leh Mizoram sawrkâr ram hmun hniha mi inthleng remtih a ni.
- (14) Nepal Mission Field-a Church Court hawn dân tûr ruahmanna pawm a ni a; Presbytery pahni hawn tûra tih a ni bawh.
- (15) Synod Hospital building sak that rawtna chu a thuphungin pawm a ni.
- (2) Jaila rawngbâwltu indah;
- (3) Kutbul lui chhuah changtlung zâwka enkawl;
- (4) Rev. William Williams-a hriat rengna siam;
- (5) Kohhran hmathlîr chungchânga inrâwn khâwmna (consultation) buatsaih;
- (6) Moderator kawrfual (gown) inang tlâng hman rawtna;
- (7) Synod Hospital Charity Fund siam;
- (8) Synod Hospital tâna tui dah khâwl na siam;
- (9) Synod Hospital, Durtlâng-a Nursing School/College din;
- (10) Kathmandu (Nepal)-a ram lei
- (11) AAY leh BPL chhûngkaw zât tla hniam zêl tûra hma lâk;
- (12) Transfer & posting chungchânga harsatna bik awm chin fel;
- (13) Vijaynagar Kohhran enkawl dân tûr siam;
- (14) Synod Administrative set-up & Management en that (Synod Inkhâwmpuia thlen leh tûra tih sa a ni);
- (15) Church of South India nêna thawh ho;
- (16) Aizâwl Theological College-a Diploma in Clinical Pastoral Counseling Course hawn;
- (17) Myanmar rama Presbyterian Kohhran Synod-te nêna thawh hona thuthlung siama thawh ho;
- (18) Pastoral Ministry kaihhruaina ennawn;
- (19) Karbi Anglong Synod siam tûra Karbi Anglong Mission Field Synod-a teltîr;
- (20) Mission Board hnuaia thawk Mizo Pastor-te Pay en zui;
- (21) Barak Area Joint Pastorate Meeting Presbytery puitlinga hlân kai;
- (22) Kum upate kilkawina (Old Age Day Care Centre) din;
- (23) Bangalore-a Mizo Presbyterian Kohhran Biak In neih;
- (24) Sawrkâr School-a Yoga zirtîr a nih lohna tûra hma lâk;
- (25) Mi harsate ţanpuina dâwr (Charity store) siam;
- (26) MSSU inkaihhruaina siam that;
- (27) Ramthar Commission leh rawngbâwlna hmathlîr siam en zui.

2. Synod Executive Committee bawh zui tûra dahte:

- (1) Rawngbâwlna zau zâwka luhna tûr kawng zawn;

Râl Vêngtu

Patling sâwm rual zet tûr hi thlasik vawt taka an vei kual an vei kual hnu chuan Râl Vêngtu vên bûk an lo thleng a. Râl Vêngtuin eng tia vâk vâk mai nge an nih a han zawh chuan vêng inchei mawi siak ena kal an nih thuin an chhâng a. An sawina êng ațanga a ngaihi dân pawh sawi ve tûrin an ngên nghe nghe a.

Râl Vêngtu chuan, “Pâwn lam chei mawi chawpa entîr ai chuan thilung lam hi chei mawi zâwk ila. A hmanrua atân chuan inngaihtlawmna te, hmangaihna te, dawhtheihna te, rinawmna te leh insûm theihnate hi hmang ila; chu chu vêng chhûng mai ni lovin ram leh khawvêl kan entîr theihna tûr a ni ang a, chu chuan lêngkhâwm boruak thlengin a tiêng zâwk dân alâwm. In intihsiaik leh rau rau a nih chuan hetiang lam hawi hian intihsiaik ula, chung lamin lâwmman pakhatna a pêk theih tûr hawi zâwngin hma in lo la tawh dân nia,” a ti a. Chutiang zâwnga an vêng chei mawi a that tûrzia chu hriain hlim takin an hawng ta a.

RAM PUM HUAP PAVALAI PAWL MEET 2015

Synod Revival Committee chuan ram pum huap Kohhran Pavalai Pawl Meet 2015 a buatsaih dân a, hetiang hian:-

A hun : May ni 15 – 17, 2015
A hmun : Khatla Kohhran Biak In
Thupui : Krista tâna nun (Phil 1:21)

Thuchah/Thupui sawitu tûrte

1. Rev. Lalrinmawia, Synod Moderator
2. Upa H. Zoliana, Ramhlun
3. Rev. Lalsângbera, Vaivakâwn
4. Rev. R. Lalchangeliana, Director, Synod Revival
5. Upa Vanlalngaia, Khatla East
6. Rev. Lalsuithanga, Senior Executive Secretary

Secretaries

1. Rev. R. Lalchangeliana
2. Upa C. Lalmuankima

Kal tûrten mahni sênso intum tûr a ni ang a, Meet hlawhtling tak kan hman theih nân kohhran tina Pavalaita inbuatsaih ila, thahnemngai takin i tawngtâi thîn ang u.

Sd/-

Rev. R. Lalchangeliana
Director, Synod Revival

SYNOD HOSPITAL, DURLÂNG NOVEMBER, 2014 CHHUNGA THILPÊK DAWNTE

I. CHARITY FUND

1. General LAD, UPC of Mizoram	₹ 10,000
2. Pu Rosawmliana, Durtlang Leitan	₹ 1,000
3. Lalnunsanga, Durtlang Dawrkawn	₹ 1,000
4. Kawnpui Chhim Veng Kohhran	₹ 5,000
5. Kawnpui Kohhran Hmeichhia	₹ 2,000
6. KTP, Suangpuiawn Pastor Bial	₹ 3,000
7. Shalom Hardware Store, Bawngkawn	₹ 2,000
8. Lalruatsanga, Durtlang Mel - 5	₹ 2,000
9. Lungdai Presbyterian Kohhran	₹ 1,000
10. Mel Veng Prebyterian Kohhran, Keifang	₹ 3,000
11. Dr. Zatlunga te chhungkua	₹ 10,000
12. Lungsum Kohhran Hmeichhia	₹ 3,000
13. Pu Laldanglova, Durtlang Mel - 5	₹ 3,000
14. Pi Lalthantluangi, Zarkawt	₹ 1,000
15. Mizoram UPC, Durtlang Pastor Bial	₹ 7,000
16. Pu C. Zaliana, Armed Veng	₹ 1,000
17. Zemabawk Pastor Bial Kohhran Hmeichhia	₹ 5,000
18. Bualpui Kohhran Hmeichhia	₹ 2,000
19. Kohhran Pavalai Pawl, Tlangnuam Kohhran	₹ 5,000
20. Ruallung Kohhran	₹ 4,440
21. Khawhai Vengthar Kohhran	₹ 5,000
22. Dr. Vanlaldini, Synod Hospital Campus	₹ 5,000
23. Chaltlang South Kohhran Hmeichhia	₹ 5,000
24. UPC (NEI), Durtlang Bial	₹ 5,000
25. Unknown	₹ 5,000

II. THISEN PE TE

1. KTP, Vaivakawn Branch	32 Units
2. KTP, Zonum Pastor Bial	41 Units
3. KTP, Khatla East Branch	26 Units

PEK ZÂT

Sd/- REV. R. RAMDINMAWIA
Chaplain
Synod Hospital, Durtlang

4. KTP, Vaivakawn Vengthlang Branch	20 Units
5. KTP, Ramhlun North Pastor Bial	52 Units
6. KTP, Phunchawng Branch	14 Units
7. KTP, Hunthar Branch	29 Units
8. KTP, Sihphir Pastor Bial	60 Units

IV. DONATION

1. Lalhmachhuana, Electric Veng, Aizawl	Christmas Present ₹1,000/-
2. Pu John Lalneihsiam, JL Pharmaco, Aizawl	Private Ward locker lei nan ₹5,000/-

IV GRACE HOME TAN

1. Ramthar North Kohhran Hmeichhia	₹ 10,000
2. Bualpui Kohhran Hmeichhia	₹ 1,000
3. Maubawk West Kohhran Hmeichhia	₹ 5,000
4. Kulikawn Kohhran Hmeichhia	₹ 20,000
5. KTP, Tanhril Pastor Bial	₹ 5,000
6. Aizawl Venglai Kohhran Hmeichhia	₹ 6,000
7. R.D Hospital, Civil Hospital Road, Aizawl	Damdaw thahnem tak

Khawngaihna leh duhsakna thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min phuhrusak baw a ni.

PASTOR BIAL THAR HAWN TÛRTE

1. Mizoram chhûngah (Hawn ni: January 10, 2015)

Sl.	Bial Hming	Hawngtu
1)	Hunthar Bial	Rev. Lalramliana Pachuau, Executive Secretary
2)	Zemabâwk North Bial	Rev. Lalrinmawia, Moderator
3)	Nisapui Bial	Rev. Lalsuithanga, Sr. Executive Secretary
4)	Vairêngte Chhim Vêng	Rev. Vanlalchhûnga, Tlangnuam
5)	Suarhliap Bial	Rev. C. Chawngliana, Dâwpui Vêngthar
6)	Pangbâlkâwn Bial	Rev. C. Rosiama, Mission Vêng
7)	Damdep Bial	Rev. P.C. Pachhûnga, Executive Secretary

II. Mizoram pâwnah (Hawn ni: January 10, 2015)

Sl.	Bial Hming & Field	Hawngtu
1.	New Lamka Bial (Manipur Area)	Rev. Lalbiaknia, Administrative Secretary
2.	Bardhoman Bial (Kolkata)	Rev. Zochhuanmawia, Field Secretary
3.	Kairabari Bial (Jharkhand)	Rev. P.B. Zosâphara, Field Secretary
4.	Pokhara Bial (Nepal)	Rev. Lalrintluanga Ngênte, Field Secretary
5.	Belakhora Bial (Siliguri)	Rev. B. Zobiaktluanga, Field Secretary
6.	Darbhangha Bial (Patna)	Rev. R. Lalhmingsânga, Field Secretary
7.	Bhaga Bial (Barak Area)	Rev. Z.D. Lalhmachhuana Administrative Secretary
8.	Longnit Borjan (Karbi Anglong)	Rev. J.H. Zaikima, Field Secretary

TIHDIKNA

Nilai leh Beihruai Thupui bu-a Chhuahtu Board Thuchâng-a thupui ziaktu Rev. Dr. C. Lalhlira chanchin kan ziaakah khan Pro. Pastor-a kum khat a awmna, Bâwngkawn Pastor Bialah tih kha Bûngkawn Pastor Bial-ah tih zâwk tûr a ni a. Tihsual palhah chhiartute ngaihdamna kan dîl e.

Editorial Board

COUNSELLING CENTRE PAHNIH HAWN A NI

January 8, 2015 khan Family Guidance & Counselling Centre pahnih hawn belh a ni a. Serchhîp Kâwnpui Kohhran Biak Inah Rev. Lalrinmawia, Synod Moderator-in a hawng a. Kolasib Vênglai Kohhran Biak Inah Rev. Lalramliana Pachuau, Executive Secretary-in a hawng baw. Hêng Centre thar pahnih nêh hian Counselling Centre paruk Synod-in kan nei ta a ni.



Dâpchhuah Kohhran chuan ni 1-16 November, 2014 chhûng khân Synod Revival Speaker Pi Vanlalngthâki, Jehova Jire Team ruaiin camping an nei a. Campers 230 lûtin camper-ten siamthar lehna changin Pathian hnathawh ropui tak a thleng a. He camping-ah hian kohhran pâwl dang aţangin mi 99 lai an lût baw. Pathian hnathawh ropui tak a thlen avângin Kohhranhote an lâwm hle.

Lungphun Kohhran chuan ni 17-30 November, 2014 chhûng khân Jehova Jire Team Speaker Pi Vanlalngthâki ruaiin camping chhâwng hnih neih a ni a. Harhna nasa tak thlengin ruai nê Pathian chawimawina hun hman a ni a, Kohhranhote an hlâwkpuile hle.

Sialsîr Kohhran chuan ni 22 Nov. - 3 Dec., 2014 chung khan Pu C. Lalramthara, Speaker Gospel Revival Team ruaiin Crusade leh Camping chhâwng hnih an nei a. Pathian hnathawh thlengin Thlarau Thianglim harhna ropui tak an chang a. Pathian chawimawina ruai tum hnih ngawt thehin Pathian hnathawh ropui tak an dawn avângin Kohhranhote an lâwm hlê.

Mauchâr Kohhran chuan ni 24 Nov. - 14 Dec., 2014 chung khan Mauchâr khaw chhûnga kohhran hrang hrang huaihawtin Pu K. Lalawmpuia, Speaker Grace Revival Team ruaiin Crusade leh Siamtharna Camping chhâwng hnih an nei a. Camper 150 lutin khawtlângin siamtharna nasa tak an dawng a, Pathian Thlarau Thianglim lo thleng hi khaw mipuiten hlâwkpuile an inti hle a ni.

Kolasib Vênglai Kohhran chuan ni 1-23 Nov., 2014 chhûng khân Pu R. Zaihmangthanga, Speaker Gospel Thunder Team ruaiin Hartharlehna Camping an nei a. Rawngbâwltu pual, vântlâng pual, naupang lîng camp leh Senior Dept lîng camp hlawhtling tak neiin campers 1152 zet an lût a. Kohhran pâwl dang aţangin mi 83 lai an lût ve baw. Pathian hnathawh ropui tak leh Thlarau Thianglim pâwl tharna an chan avângin Kohhranhote an hlim hle.

INCHHIARNA THAR BER

(August 31, 2014 beh chhan)

1. Presbytery zât	46	15. Baptisma la chang lo zât	9884
2. Pastor Bial zât	281	16. Kohhran member	
3. Kohhran zât	1270	(a) Mipa	294968
4. Kohhran indang lo zât	745	(b) Hmeichhia	301943
5. Minister Bial vawng zât	280	(c) Belhkhâwm	596911
6. Minister Bial vawng lo zât	210	17. Kohhran chhûngkua	
7. Minister ram pawna zir leh awm zât	18	(a) Awm hlangna	115724
8. Minister zawng zawng	508	(b) Inawm pawlhna	11231
9. Pro-Pastor zât	53	(c) Belhkhâwm	126955
10. Kohhran Upa zât	5010	18. Pawl dang aţanga lo pakai zât	4708
11. Pem Upa zât	374	19. Hming pe thar zât	6066
12. Kohhran Upa zawng zawng	5384	20. Pawl danga pakai zât	1300
13. Dân zawhkim mêk zât	405031	21. Kohhran chhuahsan zât	818
14. Thunun mêk zât	12858	22. Naupiang zât	10189
		23. Mitthi zât	3398

MISSIONARY THAR 141 AN CHHUAK LEH TA

Mizoram Presbyterian Kohhran Synod-in Field Secretary leh Missionary Pastor tûra a dah tharte leh Synod Mission Board-in missionary a lâk thar, an vaiin mi 141 tîrh chhuahna leh thlahna inkhâwm chu January 4, 2015 (Pathianni) chawhnu dâr 1:30 khân Bethlehem Kohhran Biak In-ah hman a ni.

He inkhâwm urhsûn tak hi Rev. P.C. Pachhûnga, Executive Secretary, i/c Mission etc.-in a kaihrui a, Rev. Lalrinmawia, Moderator, Mizoram Synod-in tîrh chhuahna hun a hman hnuin missionary chhuak tharte fuihna thuchah ropui tak a sawi a; tîrh chhuahte aiawhin Rev. Lalrinthara leh Lalventluanga Tochhawng-ten thu an sawi baw. Rev. Lalchhuanmawia, Secretary, Synod Mission Board-in hnuk ulh t̄uhva missionary chhuak thar tûrte a t̄awngt̄aisak chuan mi rilru a khawih hle. He inkhâwm chhûngah hian SMB hnuaia thawk, kum 2015 aţanga pension-a chhuak mi pasarih hnênah Rev. B. Sângthanga, Secretary, Mizoram Synod-in Pension Certificate a hlân baw. Mizoram Synod Choir leh Bethlehem Bial Zaipâwl-ten hla mawi

takin an rem a, Bethlehem Bialtu, Pastor Râlthansânga Râlê-in malsâwmnain inkhâwm a t̄in a ni.

Kum 2015-a missionary hna thawk tûra tîrh chhuahte zîngah hian Mission Field-a thawk tûra Ordained Minister a ruatte chu mi 17 an ni a, Field Secretary pakhat leh Bial vawng tûr 17 an ni. Synod Mission Board-in missionary (contractual basis) atâna a lak hi 123 an ni a, mipa 53 leh hmeichhia 70 an ni. An hna tûr leh a thawktu tûr hetiang hian thliar theih a ni:-

1. Evangelist Teacher	- 44
2. Evangelist	- 69
3. Staff Nures/Health Worker	- 6
4. Craft Teacher	- 3
5. Office Assistant	- 1



Missionary thar (Hmeichhia), Synod Puipate leh SMB BEC Memberte nen



Missionary thar (Mipa), Synod Puipate leh SMB BEC Memberte nen